

समा. 09.20 Hrs

Headlines

1. विदेशमंत्री डाक्टर एस. जयशंकर होंरें आखेया ऐ जे भारत गी आतंकवाद दे खतरे कोला अपने नागरिकें दी हिफाजत ते बचा करने दा पूरा हक ऐ ते ओ इस हक दा इस्तमाल जरूर करग।
2. मुखमंत्री उमर अब्दुल्ला होंरें सोनामर्ग गी स्यालै दौरान सैलसफा दे इक प्रमुख केन्द्र दे रुपै च विकसित करने दे कम्मै च तेजी आहन्ने पर जोर दिता ऐ।
3. मुख सचिव अटल डुल्लु होंरें साईंस ते टैक्नाॅलोजी मैहकमे दी कारकर्दगी दा जायजा लैता- जम्मू-कश्मीर च हरित ऊर्जा- नमियें काहडे ते अनुसंधान गी बढ़ावा देने पर जोर दिता।
4. “जल सचंय जन भागीदारी” अभियान तैहत शानदार कारकर्दगी लेई राजौरी जिले गी भारत दियें राष्ट्रपति हुंदे आसेया राष्ट्रीय सम्मान दिता गया ऐ।
5. नशा मुक्त भारत अभियान दे 5 बरे मनांदे होई जम्मू नै समाज गी पूरी चाल्ली नशा मुक्त बनाने दा धेइया फही पक्का कीता ऐ।

ते हून खबरें दी तफसील कन्नै जगमोहन शर्मा:-



EAM Terrorism (Byte)

भारत नै आखेया ऐ जे उसी आतंकवाद कोला अपने लोकें दी हिफाजत ते बचाव करने दा पूरा हक ऐ ते ओ इस हक दा इस्तेमाल जरूर करोग। कल रूस दी राजधानी मास्को च शंघाई सहयोग संगठन दी परिषद गी सम्बोधित करदे होई विदेश मंत्री डाक्टर एस. जयशंकर होरें आखेया जे पूरी दुनिया गी आतंकवाद गी बिंद बर्दाश्त नैई करने आला रौं अपना ना लोड़चदा- भाएं ओ कुसै बी सूरतैं च की नैही होयै। डाक्टर जयशंकर होरें आखेया जे आतंकवाद बक्खवाद ते अतवादा नै पिच्छले किश बरे दौरान बड़ा खतरनाक रुप इख्तेयार करी लैते दा ऐ ते इसी कुसै बी सूरतैं च जायज नैई ठहराया जाई सकदा ते नां गै एदे करी पैदा खतरें गी लिपा-पोती करियै अनदिकखा किता जाई सकदा। उनें आखेया

CM Ganderbal

मुख्यमंत्री उमर अब्दुल्ला होरें जम्मू-कश्मीर दियें सैलानी थाहरें पर स्यालै दौरान सब्भै जरूरी सुविधां जकीनी तौरा पर उपलब्ध कराने पर जोर दिता तां जे देश ते दुनिया दे बक्ख-बक्ख हिस्सें थमां औने आहले सैलानी इत्थे सुरक्षित-आरामदायक ते सुविधाजनक तरीके कन्नै अपना समां बिताई सकन ते अपने कन्नै शानदार यादां लेइयै जाई सकन। मुख्यमंत्री होरें कल गांदरबल दे अपने दौरे दौरान सोनामर्ग च जारी विकास कम्मे च तेजी आहन्ने दी जरूरतें पर जोर दिता तां जे इत्थै औने आहलें- सोनामर्ग गी बी इक प्रमुख सैलसफा केन्द्र दे रूपै च दिक्खन । उन्नै आखेया जे छड़े गुलमर्ग ते पैहलगाम गै नैई सोनामर्ग ते इस चाल्ली दे होर दुए सैलानी केन्द्र बी सैलानियें दी पैहली पसंद च शामिल होने लोइचदे। मुख्यमंत्री होरें गांदरबल च कैई महत्वपूर्ण सिड़क परियोजनाएं दे इलावा बिजली ते पानी परियोजनाएं दी बी शुरुआत कराई। मगरा उमर अब्दुल्ला होरें जिले च तोड़ चाढ़ी रदियें बक्ख-बक्ख स्कीमें दी अमलावरी ते विकास कम्में दी स्थिति दा बी जायजा लैता ते आखेया

<><><><><><>

CS Sc. Technology

मुख्य सचिव अटल डुल्लु होरें कल जम्मू-कश्मीर दे साईस ते टेक्नालोजी मैहकमे दे कम्मकाज दा जायजा लैता ते आहवान कीता जे हरित ऊर्जा परतियै-परतियै इस्तेमाल होने आले ढांचे ते वैज्ञानिक शिक्षा ते अनुसंधान बक्खी चेचा ध्यान दिता जा। इस जायजा बैठक च मैहकमे दी कारकदर्गी ते उपलब्धियें दे बारे जानकारी दिती गई। मीटिंगें च 8 हजार कोला मती सरकारी ईमारतें च सोलर पैनल लाने- प्रधानमंत्री कुसुम योजना दी अमलावरी- ते लौहके पनबिजली प्रोजैक्टें दे बारे च जानकारी सांझी कीती गई। एदे इलावा गोए ते होरें जैविक पदार्थ कन्नै बनने आली गैस दे इस्तेमाल- इलैक्ट्रानिक गड्डियें दे चार्जिंग स्टेशन ते 77 बक्ख-बक्ख परियोजनाएं लेई अनुसंधान फंडिंग बारे बी चर्चा होई। मुख्य सचिव डुल्लु होरें निर्देश दिता दे समूलचे जम्मू-कश्मीर च सोलर पैनल लाने ते परतियै-परतियै बरती जाने आली ऊर्जा सरबन्धी बकाया रौहन्दे कम्में गी पूरा करने लेई 120 दिनें दी रुपरेखा तयार कीता जा।

<><><><><><>

Kathua IB Sowing

कठुआ दे डिप्टी कमीशनर राजेश शर्मा होरें कल हीरानगर सैक्टर च पाकिस्तान कन्नै लग्गदे अंतराष्ट्रीय बन्ने दी तारबंदी कश कनक राहने ते कम्में दी शुरुआत करोआई। मैहकमा राई-बाई ते बी.एस.एफ दे सहयोग कन्नै आयोजित इस कार्यक्रम दी शुरुआत चकचंगा गां च 100 एकड़ कोला मते इलाके च कीती गई- जेदे च इक 21 करसान शामिल होए। बन्ने कन्नै लग्गदे 270 एकड़ इलाके च कनक राहने दे कम्में गी औंदे किश दिनें दौरान तोड़ चाढ़ेया जाना ऐ। इस मौके डी.सी. होरें

करसानें गी आखेया जे ओ राई-बाई दे कम्मै च घट्ट लागत कन्नै मता ते म्यारी झाड़ हासल करने लेई ओ अज्जै-कल्लै दे ढंगै दिएं मशीनें-उपकरणें ते तकनीकें दा इस्तेमाल करन। इस मौके पर करसानें मैहकमे दे जतनें दी सराहना कीती जेड़ा 2019 थमां उनेंगी बन्ने कन्नै लग्गदे इलाके च सुरक्षित ढंगै कन्नै राई-बाई करने लेई प्रेरित करदे होई बनकदा सुरक्षित माहौल उपलब्ध करोआ करदा ऐ।

<><><><><><>

Rani Lakshmi Bai Birth Anniv

समूलचा राष्ट्र झांसी दी रानी कन्नै जानी जाने आहली रानी लक्ष्मीबाई होरेंगी उं'दी जयंती पर अज्ज चेता करा'रदा ऐ। रानी लक्ष्मी बाई हुं'दे आसेआ देसै दे पैहले स्वतंत्रता संग्राम दरान दस्सी गेदी दलेरी ते उं'दा बलिदान अज्ज बी लक्खां बद्धे लोकें गी प्रेरित करदा ऐ। प्रधानमंत्री नरेन्द्र मोदी होरें रानी लक्ष्मीबाई हुं'दी जयंती पर उं'नेंगी श्रद्धांजलि अर्पित कीती ऐ। सोशल मीडिया दी इक पोस्ट च श्री मोदी होरें आखेआ ऐ जे पैहले सुतेंतरता संग्राम च रानी लक्ष्मीबाई हुं'दी दलेरी ते पराक्रम दी कहानी अज्ज बी देशवासियें दे दिलें च जोश ते जुनून भरी दिंदी ऐ। उं'नें आखेआ ऐ जे मातृभूमि दे गौरव दी राख्खी लेई उं'दे बलिदान ते संघर्ष गी राष्ट्र कदें नेई भुलाग। प्रधानमंत्री नरेन्द्र मोदी होरें साबका प्रधानमंत्री इंदिरा गांधी हुं'दी जयंती पर उं'नेंगी बी श्रद्धांजलि अर्पित कीती ऐ।

<><><><><><>

DC Rajouri Award (Byte)

समूलचे जम्मू प्रांत ते टकोहदा करिये- राजौरी जिले लेई कल उसलै इक बड़डा गौ ते मानै आहली पल बनी गया- जिसलै राष्ट्रपति द्रौपदी मुर्मू होरें “जल संचय- जन-भागीदारी” आहली पैहल तैहत शानदार कारकरदगी गी लेई राजौरी दे जिला विकास कमीशनर अभिषेक शर्मा होरें गी सम्मानित कीता। एह सम्मान राजौरी जिले गी पानी दे संरक्षण च कीते गेदे कम्मै लेई दिता गया ऐ- जेहदे तैहत समुदाय दे सहयोग कन्नै पानी दे संरक्षण गितै कीते गेदे जतन- ते 4 ज्हार 200 कोला मते जलस्रोतें जिन्दे च बौलियां-खूह- नाडू ते तला वगैरा शामिल न दी जियो टैगिंग बी शामिल ऐ। बन्ने पर बने दे तनोतनी आले हालात ते आप्रेशन सिंदूर तैहत जारी कारवाइयें दे बावजूद इस शानदार प्रदर्शन लेई डी.सी. होरें राजौरी दे लोकें दा सहयोग देने लेई आभार प्रगट कीता ऐ। आकाशवाणी समाचार जम्मू कन्नै इस बारे गल्ल करदे होई जिला विकास कमीशनर अभिषेक शर्मा होरें आखेया

<><><><><><>

NMBA 5 Years (Byte)

नशा मुक्त भारत अभियान दे 5 बरे पूरे होने दे मौके पर कल समूलचे जम्मू च समाज गी नशाखोरी दी कबैतू थमां पूरी चाल्ली मुक्त कराने दे पक्के धेड़यै दी गूंज ते लैहर दिक्खने गी लब्बी। समाज कल्याण मैहकमे दी अगुआई च जम्मू दे

कन्वेंशन सेंटर च आयोजित इक बड्डे समारोह च कमीशनर सैक्ट्री सरमद हफीज मुख परौहने हे। कार्यक्रम च नशा मुक्त भारत अभियान दे तैहत नशीलें पदार्थ दे इस्तेमाल दे माड़े असर बारे जागरूकता पैदा करने ते समाज- टकोहदा करिये नौजवेनं गी नशाखोरी कोला दूर रखने लेई कीते जा रदे जत्ने ते गतिविधियें गी उजागर कीता गया। इस मौके अपने सम्बोधनै च उनें आखेया

तोंआई जम्मू प्रांत दे सब्भनें जिलें च बी नशा मुक्त भारत अभियान दी 5मीं बरे गंड दे मौके पर कैई चाल्ली दे आयोजन होए जिंदे च जागरूकता कार्यक्रम- कार्जशालां- विचार गोष्ठियां ते सांस्कृतिक कार्यक्रम वगैरा शामिल हे। आयोजित हर कार्यक्रम च शामिल लोकें कोई बी नशा नई करने- होरनें गी बी नशाखोरी कोला दूर रौहने लेई प्रेरत करने ते समाज गी इस कबैतू शा मुक्त कराने दे जतनें च अपने हिस्सेदार योगदान देने दा प्रण पाया गया।

<><><><><><>

Read by : **Jagmohan Shama and Vijay Bajaj**

D.E.O : **Rajni Devi**

Skilled : **Rajat Paul**

Editor : **Abhilasha Sharma**